



OPĆINA KAKANJ

Općinski načelnik

MUNICIPALITY OF KAKANJ

Municipality Mayor

Broj: 02/1- 7031 /25

Kakanj: 18.09.2025. godine

Na osnovu člana 8. Odluke o uslovima, kriterijima i postupku dodjele sredstava za sufinansiranje mjera poboljšanja energetske efikasnosti i smanjenja aerozagađenja na području općine Kakanj (Službene novine Općine Kakanj broj: 6/24), Općina Kakanj objavljuje:

JAVNI POZIV

za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području općine Kakanj

I. PREDMET JAVNOG POZIVA

Predmet ovog javnog poziva je dodjela sredstava iz Budžeta Općine Kakanj fizičkim licima za sufinansiranje mjera poboljšanja energijske efikasnosti i smanjenja aerozagađenja, a predmet prijave na javni poziv mogu biti individualni stambeni i individualni stambeno-poslovni objekti na području općine Kakanj.

Pod mjerama poboljšanja energijske efikasnosti i smanjenja aerozagađenja koje su predmet sufinansiranja podrazumijevaju se:

- nabavka i ugradnja toplotnih pumpi;
- nabavka i ugradnja kotlova sa isključivim pogonom na drvenu biomasu – peći na pelet;
- “utopljavanje” objekata u vidu nabavke i ugradnje materijala za izolaciju vanjskih zidova i tavanice objekata.

II. IZNOS SREDSTAVA ZA SUFINASIRANJE

Dodjela sredstava za sufinansiranje mjera poboljšanja energijske efikasnosti i smanjenja aerozagađenja vrši se u sljedećim iznosima:

- do 30% od vrijednosti nabavke i ugradnje toplotne pumpe, a ne više od 3.000,00 KM;
- do 30% od vrijednosti nabavke i ugradnje peći na pelet, a ne više od 2.500,00 KM;
- do 20% od vrijednosti nabavke i ugradnje materijala za izolaciju vanjskih zidova i tavanice, a ne više od 2.000,00 KM.

NAPOMENA:

U toku jedne budžetske godine podnosilac prijave može prijaviti samo jedan objekat i ostvariti pravo na sufinansiranje samo jedne od mjera.

Ukoliko se objekat koji je predmet prijave na javni poziv nalazi u suvlasništvu, samo jedan od suvlasnika se može prijaviti na javni poziv u toku jedne budžetske godine.

U toku jedne budžetske godine raspoloživa sredstva se ravnomjerno raspoređuju za sufinansiranje mjera koje su predmet ovog javnog poziva.

U slučaju da se raspoloživi iznos sredstava za sufinansiranje neke od mjera neutroši, sredstva će se ravnomjerno rasporediti za sufinansiranje preostalih mjera.

III. PREDMET PRIJAVE NA JAVNI POZIV

Individualni stambeni i individualni stambeno – poslovni objekti koji se nalaze u obuhvatu zona toplifikacije usvojenih od strane Općinskog vijeća Općine Kakanj i za koje se može osigurati načelna saglasnost JP “Grijanje” d.o.o. Kakanj za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere “utopljavanje” objekata.

Individualni stambeni i individualni stambeno–poslovni objekti koji se ne nalaze u obuhvatu zona toplifikacije usvojenih od strane Općinskog vijeća Općine Kakanj i za koje se ne može osigurati načelna saglasnost JP “Grijanje” d.o.o. Kakanj za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere nabavke i ugradnje toplotnih pumpi, mjere “utopljavanje” objekata ili mjere nabavke i ugradnje kotlova sa isključivim pogonom na drvenu biomasu – peći na pelet.

IV. USLOVI KOJE PODNOSITELJI PRIJAVE MORAJU ISPUNJAVATI

Podnosilac prijave na javni poziv za dodjelu sredstava za sufinansiranje mjera iz tačke I. Javnog poziva mora ispunjavati sljedeće opće uslove:

- a) da ima prijavljeno prebivalište i boravište na adresi objekta koji je predmet prijave na javni poziv, najmanje jedan mjesec prije objave javnog poziva;
- b) da je vlasnik ili posjednik objekta koji je predmet prijave na javni poziv, odnosno da je vlasnik ili posjednik zemljišta na kojem je izgrađen objekat koji je predmet prijave na javni poziv, te posjeduje odobrenje za građenje za objekat koji je predmet prijave;
- c) da se za objekat koji je predmet prijave na javni poziv ne može osigurati načelna saglasnost JP „Grijanje“ d.o.o. Kakanj za priključenje na sistem daljinskog grijanja, ukoliko se radi o objektima u kojima se vrši nabavka i ugradnja toplotne pumpe ili peći na pelet;
- d) da u proteklom periodu nije koristio sredstva iz Budžeta ZE – DO kantona ili drugog nivoa vlasti u BiH namijenjena za implementaciju mjera koja su predmet prijave na javni poziv;
- e) da je saglasan i da se obavezuje da će po izvršenoj ugradnji toplotne pumpe ili peći na pelet demontirati i ukloniti uređaj za zagrijavanje sa pogonom na fosilno gorivo;
- f) da je saglasan i da se obavezuje da će Komisiji iz člana 9. Odluke o uslovima, kriterijima i postupku dodjele sredstava za sufinansiranje mjera poboljšanja energijske efikasnosti i smanjenja aerozagađenja na području općine Kakanj (u daljem tekstu Odluka) osigurati pristup objektu u cilju pregleda implementirane mjere i u cilju utvrđivanja ispunjenja obaveze iz tačke e) ovog člana;
- g) da ispunjava i druge uslove iz javnog poziva.

V. OBAVEZNA DOKUMENTACIJA

Kao dokaz o ispunjavanju općih i posebnih uslova za dodjelu sredstava za sufinansiranje mjera poboljšanja energijske efikasnosti i smanjenja aerozagađenja, Podnosilac prijave dužan je dostaviti sljedeću dokumentaciju:

1. Popunjen i potpisan prijavni obrazac;
2. PBA-1 obrazac izdat od strane MUP-a ZE-DO Kantona, kao dokaz o prijavljenom prebivalištu (CIPS), i to najmanje jedan mjesec prije objave javnog poziva na adresi objekta koji je predmet prijave na javni poziv;
3. Fotokopiju računa za uslugu snabdijevanja električnom energijom za period od najmanje jedan mjesec prije objave javnog poziva, u iznosu ne manjem od 100 kWh mjesečno;
4. Zemljišnoknjižni izvadak izdat od strane Općinskog suda u Kaknju ili posjedovni list izdat od strane Službe za geodetske i imovinsko – pravne poslove i katastar nekretnina Općine Kakanj za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv;
5. Fotokopiju odobrenja za građenje za objekat koji je predmet prijave;
6. Izjavu podnosioca prijave ovjerenu kod nadležnog organa kojom se obavezuje da će po izvršenoj ugradnji toplotne pumpe ili peći na pelet demontirati i ukloniti uređaj za zagrijavanje objekta sa pogonom na fosilna goriva (Izjava 1 – prilog javnog poziva);
7. Izjavu podnosioca prijave ovjerenu kod nadležnog organa kojom se obavezuje da će Komisiji iz člana 9. Odluke osigurati pristup objektu u cilju pregleda implementirane mjere i u cilju utvrđivanja eventualnog nepostupanja u skladu sa obavezom iz ove Odluke (Izjava 1 – prilog javnog poziva);;
8. Izjavu podnosioca prijave ovjerenu kod nadležnog organa da u proteklom periodu nije koristio sredstva iz Budžeta ZE-DO Kantona ili drugog nivoa vlasti u BiH namijenjena za implementaciju mjere koja je predmet prijave na javni poziv (Izjava 1 – prilog javnog poziva);;
9. Potvrdu izdatu od strane JP Grijanje d.o.o. Kakanj da se objekat koji je predmet prijave ne može priključiti na sistem daljinskog grijanja, ukoliko se radi o objektima u kojima se vrši nabavka i ugradnja toplotne pumpe ili peći na pelet;
10. Ovjeren i potpisan premjer/predračun za implementaciju mjere koja je predmet prijave sa jasno naznačenim količinama, jediničnim i ukupnim cijenama, kao i specifikacijom materijala/opreme i radova ili fiskalni račun ukoliko je implementirana mjera. Predračun mora biti izdat od strane registrovanog lica (firme ili obrta) koje se bavi nabavkom opreme i/ili izvođenjem predmetnih radova i koje može izdati fiskalni račun, ne stariji od 30 dana od dana prijave na javni poziv – original.

Podnosilac prijave dužan je dokaze iz tačke V, podtačke 2., 4. i 5. javnog poziva, dostaviti u originalu ili ovjerenoj fotokopiji, a dokazi za podtakče 2. i 4. ne smiju biti stariji od jednog mjeseca. Izjave iz tačke V, podtačke 6., 7. i 8. javnog poziva, se dostavljaju u formi izjava ovjerenih kod nadležnog organa.

Obrazac prijave na javni poziv i obrazac izjave iz tačke V javnog poziva ("Izjava 1") su u prilogu ovog javnog poziva i podnosioci prijava iste mogu preuzeti na šalter Sali Općine Kakanj ili na zvaničnoj web stranici Općine Kakanj (kakanj.gov.ba).

Podnosioci prijava dužni su dostaviti svu dokumentaciju iz ove tačke javnog poziva, bez obzira na činjenicu da li je predmet prijave nabavka i ugradnja toplotnih pumpi, nabavka i ugradnja peći na pelet ili "utopljanje" objekata.

VI. KRITERIJ ODABIRA

Analizu pristiglih prijava na Javni poziv, vršit će Komisija za provođenje postupka po javnom pozivu imenovana od strane Općinskog načelnika.

Aplikanti koji blagovremeno dostave kompletnu i valjanu dokumentaciju, a u skladu sa Javnim pozivom bit će rangirani u skladu sa kriterijima.

U obzir će se uzeti prijave čije su mjere implementirane počev od 01.01.2025.godine pa dalje.

Projekti će se ocjenjivati prema sljedećim kriterijima:

1. Gorivo koje se koristi za grijanje: najveći broj bodova će dobiti lica koja koriste ugalj kao jedino gorivo za zagrijavanje objekta (max 60 bodova), zatim kombinacija uglja i ogrjevnog drveta (max 45 bodova);
2. Ukupna investicija po m² korisnog stambenog/poslovnog prostora:
 - I Grupa 30 bodova;
 - II Grupa 20 bodova;
 - III Grupa 10 bodova).Objekti se rangiraju prema veličini investicije po m² korisnog stambenog/poslovnog prostora. Prednost imaju objekti sa manjom investicijom po m² korisnog stambenog/poslovnog prostora. U I grupu se svrstava prva trećina najbolje rangiranih objekata, u II grupu se svrstava druga trećina najbolje rangiranih objekata i u III grupu se svrstava zadnja trećina;
3. Procenat obezbjeđenja novčanih sredstava podnosioca prijave:
 - veći od 70 % ukupne vrijednosti prema predmjeru i predračunu 10 bodova;
 - 50 – 70 % ukupne vrijednosti prema predmjeru i predračunu 5 bodova;
 - manji od 50 % ukupne vrijednosti prema predmjeru i predračunu 2 boda.

Za aplikante koji budu imali isti broj bodova na konačnoj rang listi, prednost će imati prijave sa većim procentom osiguranih sredstava.

U slučaju da Komisija ocijeni da nisu ispunjeni svi uslovi za odobravanje finansijskih sredstava, zahtjev se odbija.

VII. SADRŽAJ PRIJAVE

Cjelokupna dokumentacija se dostavlja na jednom od službenih jezika u F BiH u štampanoj formi. Prijava na Javni poziv mora biti urađena sadržajno i redoslijedom, prema elementima koji se zahtijevaju. Obrasce za prijavu na Javni poziv, aplikanti mogu preuzeti na web stranici Općine Kakanj: www.kakanj.com.ba ili u zgradi Općine Kakanj, Služba za privredu, urbanizam i zaštitu okoline – Zeleni ured od 19.09.2025. godine, svakim radnim danom u periodu od 08:00 do 14:00 sati.

VIII. PROVOĐENJE POSTUPKA PO JAVNOM POZIVU

Komisija imenovana rješenjem Općinskog načelnika provest će postupak po javnom pozivu. Izvršit će razmatranje prijave pristiglih na bazi javnog poziva, cijeneći ispunjenost uslova i kriterija za odobravanje istih, izvršit će vrednovanje i bodovanje pristiglih prijave, sačiniti zapisnik s obrazloženom ocjenom i mišljenjem, te isti dostaviti Općinskom načelniku.

Po utvrđivanju ispunjavanja općih uslova za dodjelu sredstava, uzimajući u obzir izjašnjenja podnosilaca prijave na prijavnom obrascu po pitanju mjere za koju apliciraju, a na osnovu kriterija za rangiranje, Komisija za provođenje postupka po javnom pozivu za dodjelu sredstava sačinjava konačnu rang listu podnosilaca prijave po javnom pozivu za dodjelu sredstava za sufinansiranje mjera nabavke i ugradnje toplotne pumpe, nabavke i ugradnje peći na pelet te konačnu rang listu za sufinansiranje mjere „utopljavanje“ objekata.

Za prijave za koje se utvrdi da su neblagovremene, nepotpune, formalno neispravne ili da ne ispunjavaju opće uslove za dodjelu sredstava propisane Odlukom, Komisija za provođenje postupka po javnom pozivu za dodjelu sredstava sačinjava posebnu listu.

Sve navedene liste objavljuju se na oglasnoj tabli i web stranici Općine Kakanj, kao i oglasnim tablama mjesnih zajednica.

Na svaku od objavljenih listi podnosioci prijave mogu podnijeti prigovor u roku od 8 dana, računajući od dana objave liste na web stranici Općine Kakanj.

Ukoliko se po rješavanju po prigovorima utvrdi osnovanost podnošenja istih ili ukoliko Komisija za provođenje postupka po javnom pozivu ustanovi da je potrebno izvršiti bilo kakve korekcije u okviru već objavljenih listi, Komisija će sačiniti korigovanu listu, odnosno korigovane liste.

Realizaciji mjera korisnici sredstava mogu pristupiti tek po zaključenju ugovora o sufinansiranju koji će sadržavati prava, obaveze i odgovornosti ugovornih strana.

Rok za implementaciju mjere koja je predmet sufinansiranja iznosi 90 dana računajući od dana zaključenja pojedinačnih ugovora sa korisnicima sredstava.

Dodjela sredstava za sufinansiranje mjera poboljšanja energijske efikasnosti i smanjenja aerozagađenja vrši se nakon što podnosilac prijave – korisnik sredstava, u roku utvrđenom u ugovoru o sufinansiranju, u potpunosti i o vlastitom trošku iste implementira i nakon što dostavi pismeni zahtjev za pregled implementiranih mjera, sa fiskalnim računom i fakturom koja glasi na ime korisnika sredstava za implementirane mjere koje su predmet sufinansiranja (a koji ne mogu biti starijeg datuma od datuma zaključenja ugovora), kao i dokazima o izvršenom plaćanju računa za implementirane mjere u formi izvoda iz banke ili u formi potpisane i ovjerene izjave isporučioaca kojom se potvrđuje da je od strane korisnika sredstava izvršena uplata prema fiskalnom računu, uz obaveznu naznaku bankovnog računa korisnika na koji će se izvršiti uplata sredstava.

Potpuna implementacija mjere podrazumijeva da su stvoreni svi uslovi za početak korištenja ugrađene toplotne pumpe, peći na pelet kao uređaja za zagrijavanje objekta koji je predmet prijave na javni poziv, odnosno kada je u pitanju mjera „utopljavanje“ objekta, potpuna implementacija iste podrazumijeva da su implementirane sve mjere planirane predmjerom radova.

Na prijedlog Komisije Općinski načelnik donosi Odluku o dodjeli sredstava korisnicima, a prema konačnoj rang listi u skladu sa raspoloživim sredstvima, na osnovu koje će se zaključiti pojedinačni ugovori sa korisnicima kojima će se regulisati međusobna prava i obaveze. Lista odabranih korisnika će biti objavljena na oglasnoj ploči i zvaničnoj stranici Općine Kakanj.

IX. NAČIN I ROK ZA DOSTAVLJANJE PRIJAVA

Prijava za učestvovanje na Javnom pozivu podnosi se dostavljanjem obavezne dokumentacije naznačene u Javnom pozivu u zatvorenoj koverti lično na Protokol Općine Kakanj ili putem pošte, na adresu:

OPĆINA KAKANJ

Ulica branilaca 1., 72 240 Kakanj, Bosna i Hercegovina sa naznakom:

„Prijava na Javni poziv za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području općine Kakanj – NE OTVARATI“

Rok za podnošenje prijava na javni poziv je 40 dana od dana objavljivanja na web stranici i oglasnoj ploči Općine Kakanj, kao i na oglasnim tablama mjesnih zajednica, odnosno u razmatranje će se uzeti samo zahtjevi koji budu zaprimljeni na protokolu Općine Kakanj najkasnije do 29.10.2025. godine do 14 sati.

Nepotpune i neblagovremene prijave se neće uzeti u razmatranje.

Sve dodatne informacije mogu se dobiti na broj telefona 032/771–800, lokal 882, e-mail: ermin.hardaus@kakanj.com.ba ili u zgradi Općine Kakanj, Služba za privredu, urbanizam i zaštitu okoline, prvi sprat.

X. ROK ZA OBJAVU ODLUKE O ODABIRU KORISNIKA

Rok za objavu Odluke o odabiru korisnika po Javnom pozivu je 7 dana od dana donošenja Odluke o odabiru korisnika.

Odluka stupa na snagu danom donošenja i objavljuje se u Službenim novinama Općine Kakanj, na službenoj stranici Općine Kakanj i oglasnoj ploči.

XI. OPĆE ODREDBE

Općina Kakanj ne snosi nikakve troškove nastale pripremom, sačinjavanjem i dostavljanjem aplikacije, te podnosilac aplikacije nema pravo na naknadu bilo kakvih troškova po osnovu učešća na ovom Javnom pozivu.



OPĆINSKI NAČELNIK

Mirnes Bajtarević
Mirnes Bajtarević

(Ime, ime jednog roditelja i prezime podnosioca prijave)

(JMB)

(Adresa prebivališta)

(Kontakt telefon)

OPĆINA KAKANJ

Služba za privredu, urbanizam zaštitu okoline

Ulica branilaca 1. 72 240 Kakanj

PREDMET: Prijava na javni poziv za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području općine Kakanj

Uz prijavu prilažem sljedeću dokumentaciju:

1. PBA – 1 obrazac (CIPS);
2. Fotokopija računa za uslugu snabdijevanja električnom energijom;
3. Zemljišnoknjižni izvadak ili Posjedovni list (original ili ovjerena fotokopija);
4. Fotokopija odobrenja za građenje;
5. Izjava – 1. (potpisana i ovjerena kod nadležnog organa);
6. Potvrda izdata od strane JP Grijanje d.o.o. Kakanj da se objekat koji je predmet prijave ne može priključiti na sistem daljinskog grijanja, ukoliko se radi o objektima u kojima se vrši nabavka i ugradnja toplotne pumpe ili peći na pelet;
7. Ovjeren i potpisan premjer/predračun za implementaciju mjere koja je predmet prijave.

Prijava na Javni poziv se odnosi na dole zaokruženu mjeru:

- a. Nabavka i ugradnja toplotne pumpe;
- b. „Utopljavanje“ objekta u vidu nabavke i ugradnje materijala za izolaciju vanjskih zidova i tavanice objekta;
- c. Nabavka i ugradnja peći na pelet (kotla sa isključivim pogonom na drvenu biomasu).

Kakanj: __.__.2025. godine

Potpis podnosioca prijave

IZJAVA – 1

Ime i prezime: _____

JMB: _____

Adresa: _____

Telefon: _____

Površina objekta koja se zagrijava: _____

Pod punom materijalnom i krivičnom odgovornošću potvrđujem i obavezujem se:

- da ću po izvršenoj ugradnji toplotne pumpe ili peći na pelet demontirati i ukloniti uređaj za zagrijavanje objekta sa pogonom na fosilna goriva;
- da ću Komisiji iz člana 9. Odluke o uslovima, kriterijima i postupku dodjele sredstava za sufinansiranje mjera poboljšanja energetske efikasnosti i smanjenja aerozagađenja na području općine Kakanj osigurati pristup objektu u cilju pregleda implementirane mjere i u cilju utvrđivanja eventualnog nepostupanja u skladu sa obavezom iz ove Odluke;
- da u proteklom periodu nisam koristio sredstva iz Budžeta Općine Kakanj, Budžeta ZE–DO Kantona ili drugog nivoa vlasti u BiH namijenjena za implementaciju mjere koja je predmet prijave na javni poziv.

Kakanj: __.__.2025. godine

DAVALAC IZJAVE